

2019

**AÑA DI FAMIA
Y DI CUIDO DI NOS
MUCHANAN**

ISLA(•)NLINE

Dialuna 15 April 2019

Email: prensa@arubagovernment.aw Tel: 528-4900

**CU PERSEVERANCIA
PA NOS ISLA**



GOBIERNO DI **ARUBA**



Isla Online
Noticia Di Gobierno


MINISTER EVELYN WEVER-CROES
Prome Minister di Aruba

Segun dirigentenan nobo di PDVSA, 180 MIYON DOLLAR PA REFINERIA ARUBA A DESAPARECE

Pa loke ta trata e refineria, dialuna mainta den conferencia di prensa semanal di Gobierno di Aruba, Prome Minister Evelyn Wever-Croes a duna di conoce cu e situacion cada dia ta bira mas dificil. E placa no ta pasando y e refineria no ta hayando fondo tampoco y no por sigui mantene e trahadonan mas den servicio. Varios hende ta wordo retira na un manera boluntario y esaki lo continua si e refineria no yega na placa.

Gobierno tawata tin un delegacion na Miami pa conbersacionnan cu dirigentenan nobo di PDVSA kendenan a wordo apunta door di señor Juan Guaido. Loke a resalta den e reunionnan aki ta, cu e dirigentenan nobo aki tin un desconfiansa hopi grandi den e Proyecto di Aruba. Esaki segun Prome Minister, ta algo cu e no a anticipa por lo tanto no a tene cuenta cu esaki.

Segun calculonan di e grupo nobo aki di PDVSA, for di e cuentanan bancario di e cuentanan di PDVSA na Merca, 260 miyon dollar a wordo inverti den e refineria na Aruba, sinembargo, despues di investigacionnan cu e grupo nobo aki a haci, 80+ miyon so a wordo inverti den refineria di Aruba. 260 miyon dollar a sali for di e cuenta bancario y 80 miyon dollar so a yega e destinacion fiha. Esaki ta trece e conclusion, cu na caminda mas o menos un 180 miyon dollar a desaparece. Esaki sigur a crea hopi desconfiansa di parti di e dirigentenan aki y esaki nan a expresa tambe.

Un desconfiansa cu ta existi awo ta cu si di 260 miyon dollar, solamente 80 miyon ta yega e destino, kico lo pasa si nan coopera cu e licencia di OFAC



y laga e 15 miyon dollar bay? Kico lo yega Aruba y kico lo no yega Aruba? Pa cua motibo tambe nan ta wanta e placa aki un poco mas ainda. Tambe nan ta desconfia pasobra nan sa cu ta e hendenan di e regimen di Nicolas Maduro cu ta esnan encarga cu PDVSA ta responsabel di e desaparicion di e placa. Den nan pensamiento Aruba sea a facilita pa e placa aki a wordo fraudado of tin ex-mandatarionan di Aruba cu tambe ta involucra den desaparicion di e placa aki.

Prome Minister a expresa cu esaki ta haci hopi dificil pa hiba conbersacion riba e 15 miyon dollar cu tin cu bin pa asina paga trahadonan y yuda algun trahado keda cu nan trabou, pasobra tin un desconfiansa di e magnitud aki. Esaki ta trece hopi tension di ambos banda. Di banda di Aruba, RDA ta insisti cu ta 80 miyon dollars a wordo inverti den e Proyecto aki y no 260 miyon dollar

manera ta wordo bisa.

“E desaparicion di e 180 miyon dollar a crea hopi desconfiansa. Na e momento cu Gobierno ta kere cu ta bin hende nobo y cu mas confiansa, a resulta net lo contrario. Gobierno di Aruba awo mester traha riba e credibilidad y confiansa bek. Esaki a cay como un sorpresa sumamente desagradabel pero nos ta trahando riba dje y dunando nos cooperacion na loke nos por na e investigacion cu nan kier haci pa haya sa unda e 180 miyon dollar a bay”, Prome Minister a duna di conoce.

Prome Minister a expresa di ta spera cu den e caso aki, no tin niun ex mandatario di Aruba envolvi den esaki, pasobra no solamente esaki lo hinca e ex mandatario ey den hopi problema legal cu autoridad mericano pero esaki un biaha mas lo pone cara di Aruba na berguensa.

Prome Minister Evelyn Wever-Croes: ARUBA MESTER DI STABILIDAD

Diabierna ultimo, Partido AVP a tene un manifestacion dilanti di Bestuurskantoor na unda un grupo di aproximadamente 200 pa 250 persona a presenta. Gobierno di Aruba tawata spera e yegada di e grupo aki debi cu Cuerpa Policial a avisa cu e grupo bou guia di señor Mike Eman lo bin entrega nan manifiesto pa 5or di atardi segun e permit cu nan tawatin (vergunning). Sinembargo, esaki no a pasa pasobra AVP varios biaha a pidi pa pospone e entrega di manifiesto cu a pone Gobierno keda warda. 6or di atardi, Gobierno a dicidi cu no por pospone mas pa evita cu cosnan por sali for di man ora cu cuminsa bira scur.

Prome Minister Evelyn Wever-Croes, acompaña pa tur Minister di Gabinete Wever-Croes, a ricibi e manifiesto for di man di señor Geerman kende a lesa e manifiesto den cual ta expresa preocupacionnan. Riba esaki, Prome Minister a contesta señor Geerman y tur presente, cu Gobierno di Aruba ta comprende e preocupacionnan, y honestamente e mandatario a bisa cu Gobierno ta na haltura cu e situacion na Aruba ta difisil. Gabinete Wever-Croes a hereda e situacion hopi difisil aki for di e esnan cu a goberna anterior kendenan ta esnan cu ta na cabes di e manifestacion.

“Nos a hereda un situacion hopi dificil pa goberna nos pais. No ta Gabinete Wever-Croes a ocasiona e problemanan dificil ak, pero nos ta bay soluciona nan si. Nos a lora manga y nos a cuminsa traha. Mi a splica señor Geerman y tur presente, cu Aruba mester di estabilidad pa asina Gobierno sigui saca Aruba for di e crisis”, Prome Ministe a duna di conoce.

Prome Minsiter a enfatisa cu un eleccion na e momentonan aki, manera cu señor Eman a exige, no ta contribui net nada na estabilidad di nos pueblo. Fecha di eleccion ta stipula caba pa 2021, pero si acaso AVP ta desea un eleccion prome cu esaki, nan no mester bin manifesta na Bestuurskantoor, sino nan mester acudi na Parlamento cu ta e unico instituto cu por baha un gobierno.

Na fin di dia, e manifestantenan a retira sin ningun incidente pa cua Prome Minsiter ta hopi gradici pa esaki. Como



Mandatario principal di nos pais, Prome Minister ta respeta derecho di manifestacion di tur hende y tambe ora manifestantenan actua na un manera civico y haci uzo responsabel di e derecho aki.

Prome Minsiter: “Esaki lamentablemente, no por bisa cu ta tur cu a bin entrega manifiesto a comporta nan mes na un manera responsabel. Exponentenan politico di AVP, manera señor Mike Eman, señor Mike de Meza, y señor Baba Herde a bin cu un solo meta, esta pa busca provocacion y pa busca pa cosnan sali for di man, kendenan a stroba hasta nan propio vocero, esta señor Geerman di lesa e manifiesto na unda tambe por scucha palabranan menos bunita mientras cu señor Geerman tawata lesando. Nan a kita tambe e microfono for di señor Geerman pa e no bisa nada mas. Mi no ta comprende cua ta e strategia tras di esaki pero si ta di lamenta”.

Ora di wak bek atras, Prome Minister a

expresa cu tawata un bon manifestacion, a trece puntonan dilanti y den un siman di tempo, Gobierno lo contesta tur e puntonan di e manifiesto.

“Sinembargo pa loke ta trata eleccion nobo, esaki lo ta dia 24 september 2021. Si nan ta desea eleccion mas tempran, nan tin pa acudi na Parlamento. Fraccion di AVP den Parlamento mester haci nan trabou. Pa cuminsa nan mester presenta na trabou, haci nan trabou debidamente, hiba debatenan den Parlamento. Señor Mike Eman mester bay bek Parlamento pa e trece su puntonan padilanti. Di e manera aki, no tin mester di paralisa trafico, afecta nos turismo negativamente manera cu a wordo haci diabierna ultimo. Mi ta haci un apelacion pa tur hende respeta nos democracia. Ban respeta e hecho cu e pueblo aki a pidi pa un cambio na september 2017. E pueblo a haya un cambio y nos ta riba e bon rumbo” Prome Minister Evelyn Wever-Croes a termina bisado.


MINISTER OTMAR ODUBER
Minister di Desaroyo Teritorial, Infraestructura y Medio Ambiente

“RECAP DI SIMAN” DI MINISTERIO DI DESAROYO TERRITORIAL, INFRASTRUCTURA Y MEDIO AMBIENTE

8 April te cu 14 di April 2019

• Dialuna den e conferencia di Prensa semanal di Gabinete Wever – Croes, Minister Otmar Oduber a trece informacion na comunidad riba tres tema. (1) Proceso di destaho publico pa remediacion di Parkietenbos, (2) proyecto di ‘slip’, desperdicio medicinal y carcas via e tecnologia di incineracion y (3) Conscientisacion pa e temporada di campamento.

• Trabounan grandi tumando luga riba caminda principal di Santa Cruz! E caminda aki ya pa hopi aña ta den mal estado y tabata mester un mantencion, awor comunidad por mira cu fondo pa drecha nos camindanan realmente ta wordo utiliza pa cumpli cu e necesidad cu tin den comunidad. E trabounan lo ta tumando luga anochi, teniendo consideracion y reduciendo e posibel molester cu e trabounan lo por causa pa esnan cu mas ta haci uzo di e caminda.

• E siman aki Gobierno a duna un presentacion di e asina yama “Aruba Property Funds” na comision permanente di infraestructura den Parlamento. Ta trata aki di un entidad nobo, di gobierno, cu lo keda encarga cu e maneho di edificionan y scolnan bandona di Gobierno.

• Recientemente a anuncia e inicio di e restauracion di e edificio di Uncle Louis Store. Manera cu e edificio wordo restaura, e departamento di Naturalesa y Medio Ambiente (DNM) lo wordo ubica den e edificio. Ubicando departamento di Gobierno den e edificio ta muestra di e compromiso cu tin di parti Gabinete Wever – Croes pa sigui stimula economia pariba di nos isla! Uncle Louis Store ta un edificio cu a wordo construi den aña 1951 den Promenade y cu awe ta un Monumento reconoci y cu tin un balor historico na San Nicolas.

• Diahuebs Minister Oduber tabatin e placer di por a reuni cu Minister di Corsou encarga cu Trafico, Transporte y Desaroyo Teritorial sra. Zita Jesus - Leito. Den e encuentro importante y sigur fructifero aki a trata diferente tema manera maneho di tereno y desaroyo teritorial, a intercambia informacion, reto y forma di traha. Locual cu a resalta ta e tremendo interes cu Minister Jesus - Leito tabatin riba e manera cu Aruba ta acerca diferente tema y a indica cu tin e intencion y deseo pa traha hunto cu Aruba pa regionalmente reforsa e maneho pa locual ta e diferente temanan relaciona cu desaroyo teritorial.



Continuacion Pagina 4



MINISTER XIOMARA RUIZ-MADURO

Minister di Finansa, Asuntonan Economico y Cultura



Minister di Cultura Xiomara Ruiz-Maduro:

PABIEN NA TUR PARTICIPANTE Y GANADORNAN DI ARTE DI PALABRA

Ayeranochi a tuma lugar e di 11 edicion di Arte di Palabra na Cas di Cultura. Un grupo grandi di hoben a mostra nan talento riba tarima expresando nan mes den nos dushi idioma Papiamentu. Minister di Cultura debi na compromiso di trabao den exterior no por tabata presente, pero via un video a manda un mensahe di suerte y gratitud na cada un participante.

Minister Xiomara Ruiz-Maduro a manda un danki tambe pa e audiencia, kende nan ta bin pa apoya e participanteban y brinda sosten na un actividad asina bunita. Masha pabien na tur participante y specialmente e ganadornan. Suerte na tur cu ta bay representa nos na Corsow den e competencia di Arte di Palabra.

Danki na Departamento di Cultura y Bureau MinFEC pa tur e trabaonan haci pa asina tur hende por a disfruta di un bunita evento.





MINISTER GLENBERT CROES

Minister di Asunto Social y Labor





Awe nos muchanan y hobennan especial a bai un BUSTRIP un gesto pa nos semper keda laga nan sa cuanto nos stima nan...NOS TUR MESTER HASI ALGO MÁS pa asina nos tin un Aruba di INCLUSIÓN Y PARTICIPACIÓN pa UN Y TUR SIN EXCEPCIÓN.



"E sector social a cumpli cu su prome raportahe riba e crisisplan social. E ta un esfuerzo hunto di 26 stakeholders riba e sectornan social, hudicial, enseñansa, salubridad publico y finanzas publico."

Glenbert F. Croes
Minister di Asunto Social y Labor

**Charla:
Diferente etapa
di desaroyo di
muchu**


Departamento di Asunto Social



Fecha
16 april 2019

Orario
7:00 pm – 9:00 pm

Luga
Enseñansa Pa Empleo
Engelandstraat 33

**Pa informacion/inscripcion, tuma
contacto cu bo trahado social/
terapista of Jesseline Kelly na telefon
528-1153 of manda un mail na
Jesseline.Kelly@dsz.gov.aw**

DAS su seccion Abogado Liber

Abo sa ken por bini na remarca pa un abogado liber?

Tur ciudadano cu ta inscribi na Censo por haci un peticion pa un abogado liber. DAS lo evalua e peticion y si cumpli cu tur e rekisitonan, tin un entrada igual of menos cu e salario minimo y tin un base legal, lo por bin na remarca pa un abogado liber.



Departamento di Asunto Social

"DIALUNA DI SA" ta un segmento riba tur dialuna cu informacion general practico di DAS, cu kisas bo no sa.

A portrait of Minister Armando Rudy Lampe, a man with glasses wearing a dark suit, white shirt, and light-colored tie. He is standing against a background with blue and yellow geometric shapes.

MINISTER ARMANDO LAMPE

Minister di Enseñansa, Ciencia y Desaroyo Sostenibel

MINISTER DR. ARMANDO RUDY LAMPE A RICIBI BISHITA DI DOCENTENAN DI INHOLLAND UNIVERSITY OF APPLIED SCIENCE


Dialuna 15 di april Minister dr. Armando Rudy Lampe a ricibi bishita di docentenan di "Inholland University of Applied Science", cu a kier a conoce personalmente Minister Lampe y claro pa intercambia idea y pensamentonan ariba un colaboracion entre e Universidad ya menciona y pais Aruba.

Na final di e encuentro, Minister Lampe a agradeci e docentenan pa nan tempo y como muestra di aprecio, Minister Lampe a regala nan un buki di e historia di Aruba, cual ta den nan idioma natal, esta Hulandes. Di parti di e docentenan di e Inholland University of Applied Science tambe a keda encanta cu e amabilidad y profesionalismo cu Minister Lampe a atende cu nan y na final nan a subraya cu e tabata un encuentro hopi positivo.



2019 | AÑA DI FAMILIA Y
CUIDO DI MUCHANAN.

*Prioridad pa
Gobierno di Aruba
ta pa haci central
e cuido y desaroyo di
nos muchanan na
scol!*



PABIEN NA TUR PARTICIPANTE Y GANADORNAN DI ARTE DI PALABRA



Resultado Competencia Arte di Palabra 2019

Ganado:	Nomber y Fam:	Obra:	Scol:	Categoria:	Klas:
1er Luga	Obi Tromp	Den mi pensamento	Colegio San Antonio	A	Klas 1 - 2
1er Luga	Loui-Angelo Bislick	Heroenan Infantil	Colegio San Antonio	B	Klas 1 - 2
2do Luga	Cayley Figaroa	Un Pensamento	John Wesley College	B	Klas 1 - 2
3er Luga	Samantha Garcia-Guevara	Un mundo Nobo	Colegio San Antonio	B	Klas 1 - 2
1er Luga	Rafael Garcia	Humanidad	Mon Plaisir College	C	Klas 3 - 6 of EPI
2do Luga	Dignairy de Vos	Dicon	John Wesley College	C	Klas 3 - 6 of EPI
3er Luga	Saniqua Jones	Curason herida...cara contento	John Wesley College	C	Klas 3 - 6 of EPI
1er Luga	Cayley Figaroa	E dia tan spera	John Wesley College	E	Klas 1 - 2
2do Luga	Xie-Marie Larmonie	Mi kier yora, pero mi no por	Colegio San Antonio	E	Klas 1 - 2
3er Luga	Dayron Vrolijk	Morto	Colegio San Antonio	E	Klas 1 - 2
1er Luga	Rafael Garcia	Buelta innecesario	Mon Plaisir College	F	Klas 3 - 6 of EPI

MINISTER DANGUI ODUBER

Minister di Turismo, Salud y Deporte



Atletanan local a ricibi reconocimiento di Premio Excelencia den Deporte

MINISTER DANGUI ODUBER: NOS DEPORTISTANAN MERECE ELOGIO PA NAN AMOR Y DEDICACION PA DEPORTE

Memey di un sala yen di familiar y amigonan, atletanan nacional a wordo reconoci durante e anochi mas importante den deporte; E anochi di Premio Excelencia den Deporte. Pa Minister Dangui Oduber, e ta un honor di por ta sinta den un sala yen di hoben y adulto cu ta haci practica nan deporte cu amor y dedicacion.

E mandatario a comenta cu deporte ta un instrumento clave pa desaroyo di un nacion. "Deporte ta yudabo den tur aspecto di bida. E ta forma un persona pa ta un miho hende tanto pa su mes como tambe pa otro ciudadanonan", Minister Dangui Oduber a bisa durante un entrevista. E mandatario ta convenci cu pa medio di deporte y e estimulo di esaki, lo crea un miho Aruba.

Pa por a yega na e ganadonan absoluto di Premio Excelencia den Deporte 2018 no tabata un tarea facil. Despues di a pasa den un cantidad grandi di nominado, comision a yega na un lista di atleta cu a destaca durante aña 2018. E resultado ta como lo siguiente.

Atleta di aña 2018

Femenino: Thashaina Seraus (Bowling)
Masculino: Mikel Schreuders (Landamento)

Atleta di aña 2018 te cu 13 aña

Femenino: Liv Farro

(Landamento)

Masculino: Gavin Kock
(Landamento)

Atleta di aña 2018 te cu 18 aña

Femenino: Elisabeth Timmer (Landamento)
Masculino: Giannon Eights (Triathlon)

Atleta di aña 2018 Paralympics

Elliott Loonstra & Yurwin Gomes

Atleta di aña 2018 Special Olympics

Johnny Perez

Deportista di aña 2018 Scol Basico

Femenino: Dixienne Saavedra
Masculino: Vince Ramada

Deportista di aña 2018 Scol Avansa

Femenino: Mary-Ann Pieterz
Masculino: Joshwa Jansen

Scol Basico di aña 2018

Scol Basico Washington

Scol Avansa di aña 2018

Commandant Generaal & Abraham De Veer School

Reconocemento

Durante e anochi espectacular aki di gala y premiacion pa deportistanan, a duna reconocimiento na personanan cu a dedica hopi aña na deporte, como tambe na personanan cu tabata tin logronan excepcional durante 2018. E personanan cu a keda reconoci ta lo siguiente.



Pa prome medaya di oro den Weganan di Reino:

- Cedric Bronswinkel
- Francisco "Chico" Faro
- Francisco "Fico" Vrolijk
- Ricardo "Kadochi" Kock
- Benjamin Roy Angela
- Hyacintho "Sonny" Tromp

Pa landa di Venezuela pa Aruba:

- Davy Bisslik
- Stephan Thijsen
- Romar Arendsz
- Gwendolin Kock-Croes
- Deaxo Croes

Pa core 500KM rond di Aruba pa un bon causa:

- Shariska Winterdaal

Team Baseball

Team Aruba 1 pa e logro di a bira campeonnan di Serie Latino Americano y del Caribe.

Finalmente un danki ta bay na henter e ekipo organisatorio di Premio Excelencia den Deporte. Den nomber di Gobierno y Minister Dangui Oduber ta bay un danki na tur instancia, departamento, comerciante y prensa cu a percura pa e anochi aki ta uno grandi cu un dedicacion special na tur nos deportistanan local cu a destaca durante aña 2018.



MINISTERIO DI TURISMO,
SALUBRIDAD PUBLICO
y DEPORTE

CRECIMENTO DI 8.2%! E BALOR MONETARIO DI TURISMO NA NOS ECONOMIA



Tourism Receipts 2017
Na 2017, e tourism
receipts ta: Afl. 3,299.2
milon.



Tourism Receipts 2018
Na 2018, e tourism
receipts ta: Afl. 3,569.1
milon.

Turismo di Calidad

Tourism Receipts ta e balor monetario cu turista nan ta laga atras na Aruba su economia. Es decir cu tur loke cu turista nan cu bin Aruba ta gasta y alabes ta contribui back den nos economia.

Datonan ta indica cu tin un Crecemento di Afl. 269.1 milyon den 2018 compara cu 2017. Esaki ta un crecimiento di 8.2% positivo na Aruba su economia danki na turismo.


MINISTER CHRIS ROMERO
Minister di Transporte, Comunicacion y Sector Primario

MINISTER CHRIS ROMERO A HACI APERTURA DI SETAR SU YOUTH TECH EVENT 2019

Diasabra mainta trempan Minister Chris Romero, titular di e cartera di Comunicacion, tabatin e honor di haci apertura di SETAR NV su Youth Tech Event 2019. Como prome aña organisando e evento tecnologico aki, SETAR NV a pone agricultura como tema principal. Aki ta unda cu diferente scol na nos isla a haya e oportunidad di crea nan mesun proyecto di agricultura y presenta esaki pa asina participa pa e premio final.

Tabata un dia hopi interesante y interactivo pa nos hobennan. E hobennan cu a participa a forma parti di diferente workshops, sesionnan informativo, charlanan cu invitadonan local y internacional, pero tambe a haya presentacion di diferente "gadgets" futuristico. Sigur un dia hopi interesante y educativo pa nos hobennan!

Como un docente di profesion y ainda di curason, Minister Romero a keda hopi satisfecho di mira e caranan alegre di e hobennan cu tabata presente for di oranan trempan di diasabra mainta, algo cu den su experiencia como educador ta un muestra cu nos hobennan na Aruba mester mas evento di e indole aki durante henter aña.

Minister Romero ta gradici y felicita SETAR NV pa bin cu e iniciativa pa organisa un evento asina grandi pa e bienestar educativo di nos generacionnan di mas hoben. Y tambe un danki na Santa Rosa/DLVV pa nan colaboracion den e Youth Tech Event di e aña aki.





Minister di Finansa,
Asuntonan Economico y Cultura

**Gobierno di Aruba pa medio di
Minister di Finansa, Asuntonan Economico y Cultura
mr. Xiomara Ruiz - Maduro**

Tin e placer di invita bo persona pa asisti
na e presentacion di e

“MANEHO ECONOMICO 2019–2022” *Un Economia Fuerte y Resiliente*

Fecha: Diaranson, 17 di april 2019
Orario: 5:00 pm – 7:00 pm
Luga: Surfside Marina
Trahe: Business Suit

R.S.V.P.

Dialuna, 15 di april 2019 na
Email: junior.arends@gobierno.aw



RESUMEN DI SIMAN 8 – 14 APRIL 2019

- Nos a reuni cu Minister di Relacion Interior di Hulanda Kajsa Ollongren y Secretario di Estado Raymond Knops den cual a toca varios topico, entre otro finanzas di nos pais, e avansenan pa optimilisa seguridad di nos frontera y ful nos isla, esfuersonan cu ta wordo haci pa por construi un KIA nobo, e retonan y efectonan di e situacion alarmante na Venezuela.
- Finalmente a haci un bishita na e centro di Guarda nos Costa, caminda e mandatarionan por a constata cu e facilidad ta den bon condicion y cu e trato di personanan ta optimal. Na final di e bishita tanto Minister Ollongren como sr. Knops tabata tin palabranan di elogio pa Gabinete Wever-Croes, cu apesar di tur e retonan, ta tumando e decisionnan necesario pa hiba Aruba padilanti, poniendo e ser humano central.
- Nos a reuni cu Minister di Corsou, Zita Jesus-Leito riba temanan en comun y con por traha mas hunto pa yuda e pueblonan di Aruba y Corsou. Locual cu a resalta ta e tremendo interes cu Minister Jesus-Leito tabatin riba e manera cu Aruba ta acerca diferente tema y a indica cu tin e intencion y deseo pa traha hunto cu Aruba pa regionalmente reforsa e maneho pa locual ta e diferente temanan relaciona cu desaroyo territorial.
- Siman pasa nos a introduci un proyecto di e-Crisismanagement “Raven” na Bureau Rampen Bestrijding, creando un plataforma digital internacional, pa por haya informacion hopi mas confiabel y mas lihe durante un crisis y asina por tuma accion mas rapido.
- Nos a anuncia e prome proyecto piloto di e-Learning pa aña escolar nobo na e scol basico Cacique Macuarima, cu lo inclui digitalisacion den enseñansa y airco pa e scol.
- Studentenan di nos Universidad a bishita Bestuurskantor pa haya mas informacion di gobernacion y e vision di Integridad y Bon Gobernacion di Gabinete Wever-Croes.
- E ley di sistema di placa a cambia, pa asina permiti Banco Central emiti biyetenan nobo. Tambe a bin cu reglanan mas estricto pa combati labamento di placa na Aruba.
- Nos a reuni cu sindicatonan SADA TOPA SEPPA y SPA tocante entre otro indexering, y bashipremie y reparatietoeslag pa pensionadonan, den un bon esfera.
- Trabounan grandi a tuma luga riba caminda principal di Santa Cruz, cu ya pa hopi aña tabata den mal estado y tabata mester un mantencion; awo comunidad por mira cu fondo pa drecha nos camindanan realmente ta wordo utiliza pa cumpli cu e necesidad cu tin den comunidad. E trabounan a tuma luga anochi pa causa menos molester na automobilistanan.
- E siman aki Gobierno a duna un presentacion di e asina yama “Aruba Property Funds” na comision permanente di infraestructura den Parlamento. Ta trata aki di un entidad nobo, di Gobierno, cu lo mester keda encarga cu e maneho di edificionan y scolnan bandona di Gobierno.
- Recientemente a anuncia e inicio di e restauracion di e edificio di Uncle Louis Store pa e departamento di Naturalesa y Medio Ambiente (DNM) wordo ubica den e edificio. Esaki ta muestra di e compromiso cu tin di parti di Gabinete Wever-Croes pa sigui stimula economia pariba di nos isla.
- Unit di tecnologia di EPI a tene un ‘Science fair’ cu tabata exitoso, y a conta cu presencia di mandatario di Gabinete Wever-Croes.
- E Plan Educacion Nacional 2030 (PEN) a keda presenta na stakeholders.
- Varios scol a participa den Arte di Palabra, esaki ta duna realce na Papiamento.
- Nos a firma acuerdo cu universidadnan di Florida cu ta ofrece na nos studianten tarifa local, y cu ta haci posibel nos studiantenan por studia cu Arubalening na e universidadnan aki cu antes no tabata accesibel pa hopi.
- Setar a tene su prome Youth Tech Event y esaki a bay enfoca riba agricultura. Di e manera aki SETAR NV ta duna bek na nos comunidad door di incentiva nos hobennan pa ta creativo y traha proyectonan innovativo cu lo por sirbi nos pais.
- Hurricane Hunter Hercules tabata di bishita na Aruba, cu a conta cu presencia di Minister Zita Jesus-Leito di Corsou y alumnonan di varios scol MAVO.
- Nos a organiza un bunita evento pa honra y reconoce deportistanan cu a destaca durante aña 2018. Premio excelencia den deporte a resulta di ta un evento hopi extiso caminda por a mira alegria den cara di nominadonan y ganadonan.
- Nos ta busca turistanan di calidad y pa nos busca e turistanan aki nos mester tin un producto di calidad. Nos a anuncia algun luna atras e Proyecto “Upgrading Weg Brickell Bay” cu ta encera, pone trottoir nobo, embeyece e area y pone iluminacion na e parkeerplaats. Actualmente nos ta den e ultimo fase di e proyecto y proyecta pa entrega fin di april 2019.




• Minister Dangui Oduber a anuncia señor Joost Meijs como proximo CEO di AAA NV. Lo cuminsa e proceso pa busca un Arubiano pa traha banda di sr. Meijs pa ocupa e funcion despues di señor Meijs considerando e hecho cu a yega e momento pa pais Aruba apunta un Arubiano como CEO pa maneha nos aeropuerto. Schiphol a compromete pa asisti den e trayecto aki cu curso y training, si ta necesario.

• Gobierno a brinda un homenahe na señora Gloria Croes pa su trabou incansabel pa tene e memoria bibo di nos Libertador Betico Croes, y pa su casi 50 aña dedica na educa nos hobennan den enseñansa.

• Minister di Finansa y Economia a participa e siman aki na IMF Spring Meetings na Washington. Na e Spring Meetings aki ta participa mas cu 2800 delegado di paisnan cu ta miembro. Entre otro, ehecutivonan di banco, ministernan di finansa y desaroyo, parlamentarionan y ehecutivonan di sector priva, academico y periodistanan pa discuti problemanan na interes mundial, perspectivanan economico mundial, eliminacion di pobresa, desaroyo economico y e efectividad di yudansa. Minister Ruiz-Maduro a reuni tambe cu e team di IMF cu ta evalua nos Pais y a reuni tambe cu ehecutivonan di Banco Mundial pa por haya nan sosten y yudansa pa creacion di capacidad pa Aruba. E tipo di reunionnan aki ta crea aliansanan fuerte pa yuda nos pone Aruba riba e bon rumbo pa finasas responsabel.

GABINETE WEVER-CROES
TA CONSTRUYENDO UN PAIS
CU OPORTUNIDADNAN NOBO
PA TUR CUIDADANO,
CU PROGRESO Y BIENESTAR PA TUR
PROME MINISTER
EVELYN WEVER-CROES




DETERMINA



GOBIERNO DI ARUBA

UN
Feliz Siman

TUR CAMINDA CU TA DIRIGI NA EXITO
MESTER PASA DEN TRABOU DURO
CU DEDICACION Y DETERMINACION
NOS TA LOGRA E EXITO
CU NOS TA PROPONE